

Na osnovu člana 6. stav (6) Zakona o obrtu i srodnim djelatnostima ("Službene novine Federacije BiH", broj 35/09), Vlada Federacije Bosne i Hercegovine, na 118. sjednici održanoj 25. septembra 2009. godine, a na prijedlog federalnog ministra razvoja, poduzetništva i obrta, donosi

U R E D B U

O VEZANIM I POSEBNIM OBRTIMA

Član 1. (Sadržaj)

Ovom Uredbom propisuje se popis vezanih obrta po vrstama, stepen i vrsta stručne spreme potrebne za njihovo obavljanje, te popis posebnih obrta po vrstama, stepen i vrsta stručne spreme potrebne za obavljanje posebnog obrta.

Član 2. (Popisi vezanih i posebnih obrta)

Popis vezanih obrta po vrstama koji se mogu obavljati na osnovu stručne spreme ili majstorskog ispita i popis posebnih obrta po vrstama koje obrtnik, odnosno lice koje obrtnik zapošljava, može obavljati tek nakon što nadležno ministarstvo, ovisno o vrsti obrta, ili drugi nadležni organ ovlašten federalnim zakonom iz te oblasti, izda obrtniku saglasnost za obavljanje posebnog obrta, dati su u prilogu ove Uredbe i njezin su sastavni dio.

Član 3. (Stručna sprema za obavljanje obrta)

(1) Obrazovanje za obavljanje vezanih i posebnih obrta za koje se traži odgovarajuća školska sprema, u skladu sa članom 55. Zakona o obrtu i srodnim djelatnostima (u daljnjem tekstu: zakon), vrši se u osnovnim i odgovarajućim srednjim školama i visokoškolskim ustanovama.

(2) Za vezane i posebne obrte za koje je majstorski ispit propisan kao daljnja kvalifikacija, isti se, u skladu sa čl. 56. i 57. zakona, polaže pred komisijom koju osniva srednja stručna škola koja je verificirana za te poslove u skladu sa važećim propisima iz oblasti odgoja i obrazovanja, u saradnji sa obrtničkom komorom kantona.

(3) Izuzetno, obrtnici kojima je odobrenje za obavljanje obrta izdato do dana stupanja na snagu zakona, mogu nastaviti sa obavljanjem obrta iako ne ispunjavaju potreban uslov stručne spreme.

(4) Obrtnicima koji su majstorski ispit položili po propisima koji su važili do dana početka primjene zakona isti se priznaje u cijelosti.

Član 4.

(Saglasnost za obavljanje posebnog obrta)

Saglasnost za obavljanje posebnog obrta daje nadležno ministarstvo, ovisno o vrsti obrta, ili drugi nadležni organ ovlašten federalnim zakonom iz te oblasti, nakon što se utvrdi da obrtnik ispunjava sve opće i posebne uslove propisane cl. 9. i 10. zakona.

Član 5.

(Prestanak važeće uredbe)

Stupanjem na snagu ove Uredbe prestaje da važi Uredba o vezanim i posebnim obrtima ("Službene novine Federacije BiH", br. 64/05, 31/08 i 40/08).

Član 6.

(Stupanje na snagu Uredbe)

Ova Uredba stupa na snagu osam dana od dana objavljivanja u "Službenim novinama Federacije BiH".

V broj 721/09
25. septembra 2009. godine
Sarajevo

Premijer
Mustafa Mujezinović, s. r.